



**KOMMUNALBESTYRELSIP
INISITSITERLUNI ATAATSIMIINNERA
PINGASUNNGORNEQ ULLOQ 7. MAJ 2025 NAL. 10:00**

Peqataasut:

1. Jerimiassen, Aqqalu C. (A)
2. Kleemann, Knud (A)
3. Davidsen, Lena Ravn (D)
4. Jerimiassen, Palle (D)
5. Møller, Heidi (D)
6. Sandgreen, Karl Frederik (D)
7. Thomassen, Mikivsuk (IA)
8. Eskildsen, Arnaq N. (N)
9. Møller, Ole (N)
10. Napâtôk', Jens (N)
11. Fleischer, Sakio (S)
12. Gabrielsen, Lars Erik (S)
13. Kristiansen, Knud (S)
14. Mathiassen, Paarnannguaq (S)
15. Nielsen, Edvard (S)
16. Olsen, Ujuut (S)
17. Petersen, Jakob (S)

Pisortaaneq: Nick Nielsen
Imaqarniliortoq: Pisortaaneq
Immikkut peqataasut: Pisortaqatigiit
Nutserisut:
Ingerlannera: Ilulissani najuulluni

KOM	SAMMISAT	BILAG
025	Kommunalbestyrelsimi ilaasortaq sulinngiffeqarallarnissaminik qinnuteqartoq	001
026	Kommunalbestyrelsimi borgmesterimik, tullersortimillu siullermik aappaanillu toqqaaneq	002
027	Aningaasaqarnermut Ataatsimiititaliami ilaasortanik toqqaaneq	003
028	Kommunalbestyrelsip suleriesissaa	004
029	Politikkikkut ataatsimiiffissat 2025	005
030	Avannaata Kommuniani aqutsinermut ileqqoreqqusap nutaap siullermeerneqarnera	006
031	Kommunalbestyrelsimut ilaasortanut akissaatit	007
032		008

Aaliangiineq:

Oqaluuserisassat akuerineqarput.

Sag nr.	Sammasaq	Bilag nr.	001
KOM 025	Kommunalbestyrelsimi ilaasortaq sulinngiffeqarallarnissaminik qinnuteqartoq	Journal nr.	

Uteqqiineq:

Kommunalbestyrelsimi ilaasortanngortoq peqqiilliornini peqqutingalungit sulinngiffeqarallarnissaminik qinnuteqarpoq. Allattoqarfik qiningaarlaamik suliaq pillungu attavingineqarpoq. Uanilu kommunalbestyrelsip sulinngiffeqarallarnissaminik qinnuteqaataa isummerfingissavaa.

Suliap saqqummiunnera:

Kommunalbestyrelsimi qiningaarlaaq, Palle Jerimiassen (D) allattoqarfimmut aprilip qulingani allangaqarpoq sivittortumik peqqinngilluni misissorteqattaarnerillu ingerlammata kommunalbestyrelsimiit sulinngiffeqarallarnissaminik qinnuteqarluni.

Iluarsiinissamut siunnersuut – sammisanut tunngatillugu nalilersuineq

Qinersinermut inatsit naapertorlungu ilaasortaq sulinngiffeqarallarnissaminik qinnuteqarsinnaavoq assersuutingalungu peqqiilliorneq peqqutingalungu, suliaq una sulinngiffeqarallarnissaminik 1. maj 2026-ip tungaanut qinnuteqaatitut isingineqassooq.

Kommunalbestyrelsimi ilaasortap sulinngiffeqarallarnissaa peqqutingalungu partiimi qinerneqarsimasut allattorsimaffiani sinniisussatut tullinnguuttoq ilaasortanngussooq, Niels-Erik Bro (D).

Qinersinerup naammassinerani kommunalbestyrelsimut ilaasortat sinniisussallu aaliangerneqarput, taamaattumik tullinnguuttoq sulinngiffeqarallarnissamik qinnuteqartoq peqqutingalungu kommunalbestyrelsimut isissooq ilaasortanngorallarlunilu.

Ingerlariaqqinnissaq

Sulinngiffeqarallarnissaminik qinnuteqaat akuerineqarpat sinniisussaq ilaasortatut sulilissooq ataatsimiititaliallu inississornerani nalinginnaasumik sulineq aallartillungu.

Aningaasaqarnermi kingunerisinnaasat:

Toqqaannartumik aningaasatingut kinguneqanngilaq.

Inatsisitingut sinaakkutatingullu toqqammaviit

- Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq

Suliamik isumaginninneq:

Kommunalbestyrelse

Inassuteqaat:

Allattoqarfiup kommunalbestyrelsimut inassutingaa

Kommunalbestyrelsimi ilaasortap, Palle Jerimiassen (D) peqqiilliornermik peqquteqartumik sulinngiffeqarallarnissaminik qinnuteqaataa akuerissangaa

Niels Erik Bro (D) qiningaasimasut allattorsimaffianni sinniisutut tullinnguuttoq kommunalbestyrelsimi ilaasortanngorallarnera (1. maj 2026-ip tungaanut) kommunalbestyrelsip tusaatissatut tingussangaa

Ilanngussaq:

Bilag 001-01: Palle Jerimiassen (D) sulinngiffeqarallarnissaminik qinnuteqaataa (ilaanngilaq kisianni allattoqarfimmi pingineqarpoq)

Aaliangiineq:

Inassuteqaatit akuerineqarput.

Suliaq nr.	Sammissaq	Bilag nr.	002
KOM 026	Kommunalbestyrelsimi borgmesterimik tullersortimillu siullermik aappaanillu toqqaaneq	Journal nr.	

Uteqqiineq:

Nalunngisatsituut april aallartinnerani kommunalbestyrelsimut qinersisoqarpoq. Aqutsinermut inatsit naapertorlungu kommunalbestyrelsi qiningaarlaaq inissitsitserluni ataatsimiittussaavoq. Uani suliami kommunalbestyrelsi borgmesterimik, kiisalu borgmesterip tullersortaa siulleg aamma borgmesterip tullersortaata aappaanik toqqaassooq.

Suliap saqqummiunnera:

Aqutsinermi inatsit naapertorlungu qinersereernerup kingorna kommunalbestyrelsi qiningaarlaaq inissitsitserluni ataatsimiissaaq. Ataatsimiinneq ingerlanneqassooq qiningaarlaaq qiningaasinnaanermut misilinneqareernerisa kingorna, kiisalu Qinersinermi Siulersuisut qinersineq inaarutaasumik kisitseqqissaarnerit ingerlanneqareernerisingut tamatumalu kingorna qinersineq akuerineqareerpat. Ataatsimiigiaqqusineq allanganngorlugu kommunalbestyrelsimi sivisunerpaamik ilaasortaasimasumit isumagineqassooq.

Aaqqiissutissatut siunnersuut – suliamik nalilersuineq

Aqutsinermi inatsit naapertorlungu kommunalbestyrelsi inississorluni ataatsimiinnermini ilaasortaasut akornanni borgmesterimik toqqaassooq. Borgmesteritut qinerneqartoq ilaasortat ataatsimiinnermi peqataasut affai sinnerlungit tunuliaqutserneqarsimassooq. Borgmesterip tullersortaa siulleg aamma borgmesterip tullersortaata aappaat taamatorluinnaq toqqaarneqassapput.

Ingerlaqqinnissaq

Borgmesterimik ivertitsererneerup kingorna ataatsimiinneq borgmesterimik aqunneqarluni ingerlanneqassooq. Borgmesteri tullersortinilu qiningaaffiup sinnera atuutissapput.

Aningaasaqarnermi kingunerisinnaasat:

Soqanngilaq.

Inatsisitigut tunngavigisaq, toqqammavissiisutullu allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersaq

Suliamik isumaginninneq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Kommunalbestyrelsi borgmesterimik toqqaassasoq

Kommunalbestyrelsi borgmesterip tullersortaa siulleg aamma borgmesterip tullersortaata aappaanik toqqaassasoq

Ilanngussaq:

Soqanngilaq.

Aaliangiineq:

Siumut Naleqqallu inassutingaat Lars Erik Gabrielsen (S) borgmesterinnngussasoq. Teknikkikkut illuatungiliullutik suleqatingiit inassutingaat Sakio Fleischer (S) borgmesterinnngussasoq. Taasinermi qulit Siumumiit Naleqqamiillu Lars Erik Gabrielsen (S) toqqarpaat, borgmesterinngorporlu. Partiit borgmesteriutitaqartut Jens Nap̃tôk' (N) inassutingaat borgmesterip tulliatut siullertut toqqarneqassasoq amerlanerussuteqartullu toqqarpaat. Taamatuttaaq Heidi Møller (D) borgmester tulliaata aappaatut toqqarneqarpoq.

Sag nr.	Sammisag	Bilag nr.	003
KOM 027	Aningaasaqarnermut Ataatsimiititaliami ilaasortanik toqqaaneq	Journal nr.	

Uteqqiineq:

Borgmesterimik tullersortaanillu toqqaasoqareernerup kingorna kommunalbestyrelsip Aningaasaqarnermut Ataatsimiititaliaq pilersittussaavaa tassunakkullu ilaasortassanik toqqaasussaalluni. Uani suliami ilaasortassanik toqqaasoqassooq.

Suliap saqqummiunnera:

Kommunalbestyrelsi ivertinneqarluni ataatsimeeqqaaraangami suliaasaasa ilangivaat Aningaasaqarnermut Ataatsimiititaliap pilersinnissaa tassunakkullu ilaasortassanik toqqaalluni.

Iluarsiinissamut siunnersuut – sammisanut tunngatillugu nalilersuineq

Aqutsinermut inatsit naapertorlungu borgmesterimik tullersortaanillu toqqaanerup kingorna Aningaasaqarnermut Ataatsimiititaliap ilaasortassanik toqqaasoqartussaavoq.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Aningaasaqarnermut Ataatsimiititaliami ilaasortassanik kommunalbestyrelsi toqqaasoqassasoq

Ilanngussaq:

Soqanngilaq.

Aaliangiineq:

Siumut Naleqqallu inassutingaat:

Lars Erik Gabrielsen (S)

Knud Kristiansen (S)

Sakio Fleischer (S)

Arnaq N. Eskildsen (N)

Teknikkikkut illuatungiliuttut inassutingaat:

Aqqalu C. Jerimiassen (A)

Heidi Møller (D)

Mikivsuk Thomassen (IA)

Inassutingineqartut akuerineqarput.

Suliaq nr.	Qulequtaq	Bilag nr.	004
KOM 028	Kommunalbestyrelsip suleriesissaa	Journal nr.	

Uteqqiineq:

Kommune aqunneqarneranut inatsimmi ersarissarneqarpoq kommune-mi ingerlatsineq qanoq toqqammaveqarluni ulluinnarni ingerlanneqassasoq. Kommunalbestyrelsi qitiuvoq kommune ingerlanneqarnerani, kommunalbestyrelsi ataatsimiinnerani aaliangersimasumik sulerieseqartussaavoq. Uani kommunalbestyrelsi isummerfingissavaa suleriesissatut siunnersuutingineqartoq akueriniarnerlungu.

Suliamik saqqummiussineq:

Kommunalbestyrelsi ataatsimiikkaangami aaliangersimasunik toqqammaveqarluni sulerieseqartussaavoq. 2018-imi kommunalbestyrelsip suleriesit akuerisai allattoqarfimmiit inassutingineqarput ingerlateqqinneqassasut, suleriesit aqutsinermi inatsit naapertorlungu sanaajupput allanngortinnissaanillu toqqammavissaqarani.

Aaqqiissutissatut siunnersuut – suliamik nalilersuineq

Kommunalbestyrelsip suleriesai ukunannga qulequttanik imaqarput:

- Kommunalbestyrelsip ataatsimiittarneri
- Oqaluuserisassat nassiusorneqarnerat suliasallu saqqumittinneqarnerat
- Aaliangiisinnassuseq, ataatsimiinnerup aqunneqarnera suliasallu saqqummiunneqarnerat
- Oqaluuserinninnerni taasinernilu ilaasortat peqataanissaat
- Taasinerit, allannguutissanut aamma ilaannakortumik allannguutissanut siunnersuutit
- Amerlanerussuteqarnikkut qinersinerit
- Qanoq amerlassuseqarneq tunngavigalugu qinersinerit
- Suleriaasissami allannguutit

Assersuutingalungu qaqugukkut ataatsimiissutissat nassiuunneqassappat suleriesimi ersarissarneqarpoq. Akerliulluni taasangaanni oqaaseqartoqarsinnaanera illersorneqarpoq, sukumiisumik suleriaatsip toqqammavilersornera ilanngussami atuarneqarsinnaavoq.

Ingerlaqqinnissaq

Kommunalbestyrelsip suleriesissaa akuerineqaruni atuutilisooq ataatsimiittarnernilu toqqammaviulluni.

Aningaasatigut kingunerisassat:

Soqanngilaq.

Inatsisitigut tunngavigisaq:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik suliarinninneq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Kommunalbestyrelsip suleriesissatut siunnersuutingineqartoq ilanngussaq akuerissangaa

Ilanngussaq:

Bilag 004-01: Kommunalbestyrelsi suleriesissaa

Aaliangiineq:

Inassutegaat akuerineqarpoq.

Suliaq nr.	Sammisaq	Bilag nr.	005
KOM 029	Politikkikkut ataatsimiiffissat 2025	Journal nr.	

Uteqqiineq:

Kommunalbestyrelsi ataatsimiinissai aqutsinermi inatsit naapertorlungu kommunalbestyrelsi ukiup naanerani ataatsimiinnerani akuersissutiningeqartussaapput, kisianni ukiormanna tamanna pisinnaanikuunngilaq qinersisoqarnera peqqutingalungu. Uani suliami kommunalbestyrelsip isummerfingisussaavaa ukiup sinneranut ataatsimiinnissat sumi qaqungulu ingerlanneqarnissaat.

Suliap saqqummiunnera:

Aqutsinermut inatsimmi allaqqavog kommunalbestyrelsi aaliangiissasoq qaqugu sumilu ileqquusumik ataatsimiinnerit ingerlanneqassanersut. Ullorsiutillu inissinneqareeraangata tamanut saqqummiunneqartarluni taamatullu Naalakkeruisut ilisimatitsinneqartarput. Qinersereernerup kingorna kommunalbestyrelsi ataatsimiittarnissaanut ullorsiutinik akuersisoqarnikuunngilaq.

Iluarsiinissamut siunnersuut – sammisanut tunngatillugu nalilersuineq

Allattoqarfiup inassutingaa ataani ullut taakkartorneqartut ukiup sinneranut ataatsimiiffiussasut.

Ataatsimiinnerit tamarmik nalinginnaasumik nal. 9:00 aallartittassapput.

Aqutsinermut Ileqqoreqqusaq aappasaanik inaarutaasumillu ataatsimiissutaassooq pingasunngorneq ulloq 21. maj, ataatsimiinnermi tassani aamma ataatsimiititalianut inississornerit ingerlanneqassapput.

Ulloq	Suliassat
21. maj	Aqutsinermut Ileqqoreqqusap aappasaaneerana, ataatsimiititaliani inississorneq
25. juni	Aningaasatingut killiffiup nalunaarusiorneqarnera, missingersuutit sinaakutaanik aappaangussamut sinaakkusiineq
12. september	Missingersuutit siullermeerneqarnerat, aningaasatingullu killiffiup nalunaarusiorneqarnera
21. november	Missingersuutit aappasaaneerneqarnerat, aningaasatingullu killiffiup nalunaarusiorneqarnera

Juunip naalernerani ataatsimiinnissaq oqarasuaatikkut ingerlanneqassooq.

Ataatsimiinnissat avataatingut aappaangussamut missingersuusiorluni isumasioqatingiinnissaq ukiup ingerlanerani pilersaarutaavoq ingerlanneqassasoq, Ilulissani ingerlanneqassasoq allattoqarfimmiit inassutiningeqarpoq.

Aningaasaqarnermi kingunerisinnaasat:

Missingersuutit iluanni ingerlatsisoqarnissaa allattoqarfimmit naattorsuutiningeqarpoq.

Inatsisitingut sinaakkutatingullu toqqammaviit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Qulaani ullut ataatsimiiffissat ingerlanneqarnissaat saqqummiunneqartut akuerineqassasut

Ilanngussaq:

Bilag 005-01: Politikkikkut ullorsiutit 2025-mut

Aaliangiineq:

Inassuteqaat akuerineqarpoq.

Sag nr.	Sammissaq	Bilag nr.	006
KOM 030	Avannaata Kommuniani aqutsinermut ileqqoreqqusap nutaap siullermeerneqarnera	Journal nr.	

Uteqqiineq:

Qinersereernerup kingorna kommunalbestyrelsi inississornermut atatillungu aqutsinermi ileqqoreqqusaq akuersissutingisarpaa, ileqqoreqqusaq marloriarluni kommunalbestyrelsimit inaarutaasumik akuerineqannginnermini suliarineqartussaavoq, uanilu ullut 14-it akunnermiliunneqartussaapput. Ileqqoreqqusami ersarissarneqartarput ataatsimiititaliat agguataarnerat tassuunakkullu suliaqarfiit. Uani qulequttami aqutsinermi ileqqoreqqusassatut siunnersuut siullermeerlungu suliarineqarnera kommunalbestyrelsip isummerfingisussaavaa akueriniarnerlungu.

Suliap saqqummiunnera:

Kommunalbestyrelsi inississornerminut atatillungu aqutsinermut ileqqoreqqusaq nutaap siullermeerlungu akuerisarpaa, aappassaaneernera ingerlanneqassooq ullut 14-it siullermmeernerata kingorna. Ileqqoreqqusami ataatsimiititaliani ataavartuni akisussaaffiusut suliaqarfiusullu ersarissarneqartarput.

Iluarsiinissamut siunnersuut – sammisanut tunngatillugu nalilersuineq

Kommunalbestyrelsip akisussaaffini ataatsimiititaliat ataavartunut agguartarpai, taakkualu suliaqarfiit assingiinnngittut ulluinnarni ingerlatsinermi akisussaasusarput suliaqarfiullu iluani sinaakkusersuillutik sulianik ingerlatsisarpup. Suliaterlanerpaat ataatsimiititaliani naammassineqarsinnaasarput, kisianni ilaqartarput Aningaasaqarnermut Ataatsimiititaliamut kommunalbestyrelsimullu inaarutaasumik suliarineqarlutik ingerlaqqittussanik.

Ileqqoreqqusaq partiit borgmesteriutitaqartut isumaqatingiissutaat naapertorlungu suliarineqartarpoq, tassanilu ataatsimiititaliat agguataarnerat aaliangereqartarpoq, imatullu ataatsimiititaliat ataavartut inassutingineqarpoq aggorneqassasut:

1. Aalisarnermut Piniarnermullu Ataatsimiititaliaq
2. Ilaqutareeqarnermut Ataatsimiititaliaq
3. Inuussutissarsiornermut Ataatsimiititaliaq
4. Piorsarsimassutimut, Atuartitaanermut Meeqqeriveqarnermullu Ataatsimiititaliaq
5. Takornariaqarnermut Ataatsimiititaliaq
6. Tamat Oqartussaaqataaneranut Inoqarfiillu mikinerusut ineriartortinneqarneranut Ataatsimiititaliaq
7. Teknikkimut Ataatsimiititaliaq

Kommunalbestyrelsip nammineq aaliangertarpaa ataatsimiititaliat ataavartut qanoq amerlatingisut tassuunakkullu suliaqarfiit pilersissanerlungit. Aningaasaqarnermut Ataatsimiititaliaq allaalaarpoq, taanna aqutsinermi inatsimmi aaliangersimasumik ilaassasoq aaliangingaavoq, tassanilu borgmesteri siulittaasuuvog. Ataatsimiititaliani suliaqarfiit assingiinnngittut ilanngussami takusinnaavasi.

Ingerlariaqqinnissaq

Qulaani taakkartorneqartutuut ileqqoreqqusaq marloriarluni kommunalbestyrelsimit inaarutaasumik akuerineqannginnermini suliarineqartussaavoq, uanilu ullut 14-it akunnermiliunneqartussaapput. Ileqqoreqqusaq inaarutaasumik akuerineqareerpat ataatsimiititaliani inississornerit ingerlanneqarsinnaalissapput. Ataatsimiititaliallu inississorneri pereerpata ataatsimiititaliat ataatsimiinnerani siullermi siulittaasussaminnik siulittaasullu tullianik toqqaassoqassooq, ataatsimiinnermi tassani aamma ataatsimiititaliat sulerusissaat akuersissutingineqassooq.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Aqutsinermut ileqqoreqqusassatut siunnersuutingineqartup siullermeerneqarnerani saqqummiunneqartoq akuerineqassasoq

Ilanngussat:

Bilag 006-01: Partiit borgmesteriutitaqartut suleqatingiissutissaat
Bilag 006-02: Aqutsinermut ileqqoreqqusassatut siunnersuut

Aaliangiineq:

**Inassuteqaat akuerineqarpoq.
Aningaasatingut sinaakkutit ataatsimiititaliamik pilersitsinermi immikkut aningaasaliinermi juunimi kommunalbestyrelsi ataatsimiilerpat aaqqinneqassooq.**

Sag nr.	Sammissaq	Bilag nr.	007
KOM 031	Kommunalbestyrelsimut ilaasortanut akissaatit	Journal nr.	

Uteqqiineq:

Ukiut tamaasa ukiup tullissaanimut missingersuutit sammineqaraangata kommunalbestyrelsimi ilaasortanut akissaatit sammineqartarput. Uani qulequttami allattoqarfik ilaasortanut ilisimatitsivoq akissaatit annertussusaat pillungit.

Suliap saqqummiunnera:

Kommunalbestyrelsimi ilaasortat akissaasersornerat aaliangersimalluinnartumik malittarisassaqluni ingerlanneqartarpoq. Ilaasortanut akissaateqarneq pillungu nalunaarut toqqaammavingalungu ukiumut tullermut missingersuusiornermut atatillugu borgmesterit tulliisa, kommunalbestyrelsinut nunaqarfinnilu aqutsisunut ilaasortat, ataatsimiititaliani siulittaasut nunaqarfinnilu aqutsisuni siulittaasut akissarsiaasa annertussusissaat kommunalbestyrelsip aaliangertarpaa, ullumikkut atuuttut ima sinaakkuteqarput.

Kommunalbestyrelsimi ilaasortaq

Kommunalbestyrelsimi ilaasortat akissaasersorneqarnerat eqqaaneqareersutut nalunaarummi taakkartoneqartumi aaliangersarneqarpoq. Kommunalbestyrelsimi ilaasortaq ima qaammammut akissaateqarpoq:

- Nalinginnaasumik ilaasortaq kr. 13.494,24,-
- Ataatsimiititaliami Siulittaasup tapia kr. 6.747,12,-

Viceborgmester

Borgmesterip tullia siulleq marlunnik periarfissaqarpoq akissaasersornissaa. Siulleq ukiumut aaliangersimasumik akissaateqarneq, tamanna ullumikkut atuuppoq. Aappaattullu ulluni atuuffingisami nalaani akissaateqartarneq. Kommunemilu missingersuutit ukiup tullissaanut sammineqarnerani qulequtaq qaqinneqarsimanngippat ulluni atuuffingisami akissaateqartarneq toqqaammaviusarpoq.

Viceborgmesterip akissaasersorneqarneri, qulliuvoq aaliangersimasumik qaammammut akissaateqarneq, alliulluni ullormut atuuffingisami akissaateqartarneq:

- Ilaasortaanerup qaavatingut tapeq kr. 12.144,81,-
- Ilaasortaanerup qaavatingut atuuffimmi tapeq kr. 2.698,85,-

Borgmesterip qaammammut akissarsiaata 15%-tia annerpaamik qaammammut viceborgmesterip aaliangersimasumik akissaateqaruni pisinnaavaa.

Ataaniittoq atuuffimmi tapeq borgmesterip qaammammut akissarsiaa ullormut kisinneqarmata inernerivaa.

Ingerlariaqqinnissaq

Akissaatit atuupput nalunaarummilu aaliangersarneqarlutik, borgmesterip tulliata siulliup akissaatai allanngorneqarsinnaapput ukiamut aappaangussamut missingersuutit suliarineqalerpata.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersoq

Suliamik isumaginninneq:

Kommunalbestyrelsi

Inassuteqaat:

Allattoqarfiup kommunalbestyrelsimut inassutingaa

Allattoqarfimmiit ilisimatitsissutit kommunalbestyrelsip tusaatissatut tingussangai

Ilanngussaq:

Soqanngilaq.

Aaliangiineq:

Akuerineqarpoq.

Ataatsimiinneq naavoq nal.: 11:00

Atsiorfissaq:

Jerimiassen, Aqqalu C. (A) _____

Kleemann, Knud (A) _____

Jerimiassen, Palle (D) _____

Davidsen, Lena Ravn (D) _____

Møller, Heidi (D) _____

Sandgreen, Karl Frederik (D) _____

Thomassen, Mikivsuk (IA) _____

Eskildsen, Arnaq N. (N) _____

Møller, Ole (N) _____

Napâtôtôk', Jens (N) _____

Gabrielsen, Lars Erik (S) _____

Kristiansen, Knud (S) _____

Mathiassen, Paarnannguaq (S) _____

Petersen, Jakob (S) _____

Nielsen, Edvard (S) _____

Olsen, Ujuut (S) _____

Fleischer, Sakio (S) _____